



古今事文類聚

新集 尾  
卅二之卅六



道遙文庫  
文庫 6  
28  
83





新編古今事文類聚新集卷之三十二

南江 富大用 時可 編

金陵 唐富春 子和 刊

諸監部

太府監

歷代沿革 周官太府下大夫 秦漢以下不置然其職在司農少

府至梁天監置夏卿即太府卿掌財物庫藏北齊兼掌進貢

器物後周太府中大夫掌貢賦貨賄以供國用屬大家宰隋

初與北齊同所掌左右藏及尚方司染等署煬帝分太府寺

為少府監管尚方織染等署但管京都市及平準左右藏唐

因之卿一人少卿二人掌財貨廩藏貿易總京師四市左右

藏常平七署凡四方貢賦百官俸秩謹其出納賦物任土所  
出定精糞之差祭祀幣帛皆總焉龍朔改太府為外府正卿  
咸亨復光宅改為司府中宗神龍復曰太府宋太府寺判寺  
事一人以兩制或帶職朝官充凡財貨廩藏貿易四方貢賦  
百官俸秩皆隸三本寺但掌祠祭香幣帳巾神位席及造斗  
秤升尺而已元豐改制始正職掌掌財貨出納貿易之事凡  
貢賦之輸于京師者至則別而受之供君之用及待邊費則  
歸於內藏供國之用及待經費則歸于左藏元祐二年詔太  
府寺置長貳餘寺監長貳互置建炎三年詔罷太府寺撥隸  
金部獨以一丞治離名之質劑凡省五年而後復置元改寺  
為監置監一人少監一人丞二人掌出納邦國財用錢穀之

事管轄左右藏諸倉坊學署

辭書要語古名少序六帖治藏之長鄭康成周禮注天府周禮

司府鄭氏談綺掌九貢九賦九功之式以受其貨賄之入頒其

貨于受藏之府頒于受用之府凡頒財以式法授之周禮凡萬

民之貢以充府庫凡或貢之餘財以供玩好之用凡邦之賦用

取真焉同上以二法平物一曰度量二曰權衡唐百官志唐舊

制天下財賦皆納於左藏庫而太府四時以數聞續通典財賦

總於他官而太府司其出納非明於金穀之要在茲選南豐

集居監臨之官典出入之務唐制頒貢獻於四方掌財用於五

庫况當貢賦之入道重帑藏之司同上九卿之重參理於佐邦

六府孔脩頒貨于別藏常集大府卿制會帑藏出入之要修權

量平校之法白集太府卿制受藏之府國用所資同上經紀有  
品臣子攸同楊雄少府箴

**古今事實**

省閱錢帛

楊崇禮開元為少卿雖錢帛充物丈尺皆躬自省閱時以為前  
後無與為比擢拜太府卿時太平日又御府財物山積以為經  
楊卿者無不精好唐本傳

專任錢穀

楊國忠判度支元宗觀左藏庫喜其貨幣山積面賜國忠金紫  
權太府卿國忠專錢穀之任出入禁中自加親幸  
為入嚴懲

李襲譽名為太府為入嚴懲以威肅聞

任職清白

楊隆禮任職二十年九十餘卒隆禮罷太府元宗訪其子可代  
父任者宰相以其子謹余謹矜謹名皆得父清白帝擢謹為監  
察御史知太府出納並同上

**古今文集**

雜著

太府寺廳壁記

鄭湜

太府周官也凡邦國之賦用取具焉漢以太農領軍國之經費  
而少府給縣官之私養分畫與古不同故太府之官缺置卿自  
梁後魏始也隋唐因之實與版曹相為管鍵以制邦財國初財

賄出納阜通之政。顯領於三司。太府所掌。惟奉稅幣。頒權度。而已。元豐治官。盡循唐舊。中興初。并省附於金部。獨以一丞治。離茗之質。劑凡省五年。而後復馬承家。蓋初除也。初元豐以在京司局分屬寺監。而太府局二十有四。令雖頗省。猶劇於他寺。以式班內外之廩。稍覆其名數。而鈞磨之。則諸軍諸司糧審四院屬焉。頒財用於受藏之府。周知入出而會之。則左藏東西兩庫屬焉。時禁省官府之需。以償用物。則買務屬焉。比物莫賈。俾從其抵。則編套兩局屬焉。藥石必良。以除札瘥。則和劑惠民四局屬焉。叙財幣以待上之賜好。則抵候庫屬焉。制券之短長。以通商。則鈔引庫屬焉。所異於元豐者。惟內藏奉宸不外屬。權貨顯隸於都司。蓋經財制用有不同。爾寺凡再徙。面執非宜。與塵躡

濶今寺故勅局也。淳熙十有五年。夏。高麗白于朝。以為寺。秋七月。乃遷。閱與顯。厥稱其官府。寺故有題名。歲久官溢不足。登載離為三。西。叢。猥不童。不與寺稱。於是欲更營。穿石叙次。官氏歲月。而饒之同舍。或遷。或去。不果。就惟曾君。二復。曩嘗預遷議。再除。復來為丞。實終始之。以成同舍之志。以湜於是寺也。為有舊移書命之記。不得辭。因考其沿革。繫于碑端。并識遷焉。紹熙元年正月四日。鄭湜書。

太府寺廳壁記

耿秉

周官二百六十。名存于今。而職不異者。太府一官耳。周制下大夫二人。上士四人。下士八人。設屬若是其衆。非以其事繁而職重歟。故鄭氏謂為主治藏之長。秦漢迄隋。併置不常。上下于載

何寂寂咸無可紀也豈出內之文僅云有司他非所及耶抑卓  
 偉之才偶不相直耶若曰士舉不逮古則焉敢厚誣獨唐開元  
 中楊宗禮任職二十年有公清之譽性特詳密雖尋尺皆自按  
 省凡物經楊卿者無不精麗吾猶憾焉以其未聞君子之大道  
 也國初省部寺監惟以寄祿寺則光祿太常宗正衛尉司農太  
 理或以卿或以貳或以丞各寓一階別設主判之官以典事惟  
 太府則不具職名入三司諸按故主判之任罕置逮元豐釐正  
 中更多故歲久莫詳高宗中興駐蹕臨安任職者始可以歲月  
 考史祺孫為題名記實首以紹興四年然長貳丞簿區分各記  
 或繁或稀題續不齊食欲易為編年秉承之伯臣比修玉牒恭  
 觀書聖帝理財之訓有曰生之者寡食之者衆為之者舒用

之者疾財計安得不匱大哉王言深知民生之不易用度之宜  
 節兼謂司府之官尤不可不知此適茲兼官少列舉聖謨以語  
 同僚謹識于題名之首其續刻則有鄭湜為之記紹興改元正  
 月丙辰朔耿秉記

少監

歷代沿革 後魏孝文帝改少府為太府置少卿一人北齊因之  
 隋煬帝加至一人唐咸亨一人貞觀中復龍朔咸亨光宅神龍  
 並隨寺改復宋太府寺同判寺一人以京朝官充元豐正名  
 置少卿一人以為卿之貳元祐三年詔太府長貳並置餘則  
 否建炎中興省紹興四年復元少監一人

群書要語 財賦總於地官而天府司其出納 曲阜制 九賦頒受

之政百貨貿遷之法典領之任位次列卿南豐集出納之地卷  
求惟精兼頌三尚之頒以榮四至之列白樂天制

古今事實

問孫卿年

後魏孫詔為少卿問年對曰臣年雖老臣節尚少北史

畏尹卿筆

尹思盾為司府少卿時候知一亦厲威嚴吏人為之語曰不畏  
侯卿杖惟畏尹卿筆唐書

古今文集

雜著

謝除太府少卿表

周必大

將命江淮父塵星省疏榮觀缺驟亞月卿念委寄之不移知私  
恩之愈厚伏念臣寒鄉晚出薄宦卑飛叨逢顯俊之秋濫綴登  
畿之數粵負丞於外府旋列屬於中臺所懼太歸乃膺臨遣給  
餉坐兼於兩路空餐行及於再暮自量心計之非長常恐使華  
之不稱竊思載籍具有前模流馬木牛葛亮創蜀中之運輦車  
驪駕寇恂資河內之軍彼皆值於行師尚不聞於乏事矧說劍  
橐弓之後無飛芻輓粟之勤第鈞考於簿書粗幹旋於金穀論  
功何有竊位則多已慚假寵於諸郎更許參華於七寺中負梁  
鵝之刺徒驚晉馬之蕃此蓋伏遇皇帝陛下大智博臨深仁徧  
覆灼知能不故雖遠而不遺力勸事功凡有長而必錄爰茂出  
綸之渥悉裒總賦之臣遂致下愚亦升少列臣敢不仰承睿眷

事文類聚身集卷之三十一  
惟孝之心  
惟竭篤才無廢前勞少助足食足兵之政更圖後效永肩惟忠

監丞

歷代沿革丞於周官為太府上士之任漢選部太府丞一人

因之後魏亦一人後周日太府上士隋又曰太府丞六人唐

四人宋元豐改制置丞二人元符中增一員崇寧中置藥局

又添丞一員宣和中省一員建炎三年罷太府寺紹興三年

置一員參預寺事元置丞二人

群書要語太府掌邦國之出入而丞屬分治衆務職畧太府受

邦國之出入而設丞屬俾預參贊欲勝是任必惟其人宋朝制

唐寺丞掌判寺事凡正大朝應貢方物應陳於殿廷者皆受而

進之分紀

古今事實

置印給鈔

宋紹興初章億守太府丞措置印給茶鹽鈔引會要

左右藏庫副使

歷代沿革周外府主泉藏之在外者內府主泉貨賄藏于內者

又有職內職幣主泉貨所入並今左右藏之職秦漢分在司

農少卿屬官有中藏府令丞各一人掌中藏幣帛金銀貨物

魏因之晉少府屬官始置左右藏令東晉置御史九人各掌

一曹有庫曹御史後復分庫曹置外左庫內左庫宋文帝省

外左庫而內左庫直云左庫武帝復置前廢帝又省齊深陳

事文類聚身集

卷之三十一

三十一

三十一



有右藏無左藏後魏缺北齊太府寺初統左右藏令永後周  
 有外府上士中士二人掌綿帛絲麻錢物皮角筋骨之藏隋  
 有左右藏署令永隸太府寺唐以太府少卿知出納左藏止  
 一五代始置宋因之庫置使領焉太平興國二年分為二庫  
 淳化三年分置左右藏各二庫四年廢右併入左政和六年  
 修建新庫以東西庫為名中興因仍東西庫各以文臣監武  
 臣同監其東幣帛純紬之屬在焉其西金銀泉券絲纊之屬  
 在焉紹興二十七年詔戶部於轄下丞簿內選一員兼充左  
 藏庫提轄官此提轄所由始也孝宗即位詔將御前樁管激  
 賞庫撥歸左藏庫以左藏南庫為名專上樁管應副軍期支  
 遣於是其有東西南三庫尋罷南庫大抵國家用度多糜於贍

軍西蜀湖廣江淮之賦類歸四總領所以餉諸屯其送京者  
 殆無幾唯閩浙悉輸東西庫歲入以端計者率百四十萬以  
 緡計者率二千萬給遣稱是以大軍居十之七官禁有司祿  
 賜裁二之間有非泛浩繁之費則請于朝徃徃出內帑封樁  
 以補所缺監管凡五人分帑而治舊以京朝官為之今唯才  
 是用故四選通得入先是四轄官外補則為州內遷則寺監  
 丞亦有徑為雜監司或入三館者近歲望稍輕徃徃更遷不  
 院官或出為添倅非曩日之比矣元左右藏庫各置使一人  
 副使一人右藏又有支應使都監左藏金銀珠玉寶貨錢幣  
 右藏掌錦帛絲綿毛褐諸道常課諸色雜物  
 群書要語外府掌邦布之入出以供百物而待邦之用凡有法

事文類聚新集

卷之三十二

七

德壽堂

者周禮職內掌邦之賦入 職歲掌邦之賦出 並同上 內庫曰  
御府 謝承後漢書 離珠為藏府在須女北 天文要集 天積者天  
子藏府也 同上 典司國幣 公是行曹先制 特陞治藏之名 李常  
制受藏之府 國用所資 自集行裴武制

古今事實

庫藏充滿

後魏王顯謂揚固曰 吾作太府卿 庫藏充滿 固曰 減百官之祿  
及藏贖悉入京藏 以此充足 未足為多

貨幣山積

唐元宗召公卿百僚 觀左藏庫 貨幣山積 皆納於庫

唐制天下財賦皆納於左藏庫

不同諸司

狄兼譽對唐文宗封敕問不同諸司云云

召試直集賢

程文簡公琳監左藏庫 天禧中詔選文學優行 召試直集賢院  
六一集

高科滯筦庫

韓琦監左藏庫 時方貴 高科多徑去 為館職 公獨滯於筦庫 眾  
以為非宜 公處之自若 不以為卑 凡職事未嘗苟且 禁中須紫  
金帛 皆內臣直批 聖旨下 庫公奏 天禧中嘗專置傳宣 令同一  
願復舊制 詔從之 舊有監秤內臣一員 綱運至必監秤 始得交

納內臣往往數日不至寶貨皆暴露廊廡遠方衛校苦於積留  
公奏罷之災傷州郡所輸物角不如度者例猶追剝公請蠲之  
言行錄

大倉 使 副使

**歷代沿革** 大倉周司徒屬官有廩人倉人則其職也秦漢大司  
農屬官有大倉令丞各一人文帝時淳于意為之後漢一人  
六百石魏品第七晉宋齊梁陳皆然後魏缺北齊置令丞亦  
隸司農所統後周有司倉下大夫隋置令二人唐三人宋豐  
儲倉掌九穀廩藏之事以給官兵祿食之用紹興三年改行  
在省倉內鎮城倉為南倉仁和倉為北倉監官四員並兼管  
幹和糴隸司農寺元大倉隸太府監置使副各一人掌九穀

廩藏出納之事

群書要語國無九年之蓄曰不足無六年之蓄曰急無三年之  
蓄曰國非其國也禮記曾孫之庾如坻如京詩乃求千斯倉詩  
國廩卒蓄之九年之儲唐策問中都儲積會要眼勞廩委公是  
行劉裕制命合升斗斛職在太倉掌之漢律歷志  
詩可開曹猶得醉簿俸亦勝耕唐方干寄賈司倉詩身到瀛洲  
須是好官稱庾氏莫空言單何斯舉寄錢監倉

古今事實

倉粟紅腐

漢武帝太倉之粟紅腐而不可食

天倉天困

天倉六星在婁南倉穀所藏南三星天庾積厨粟之所天囷十三星囷倉廩之屬主御糧也石氏星經

老於掌庾

宋祥符九年詔京師官年六十已上勿差監在京諸倉時國子博士雍文載年六十五受勅上言求免上曰京倉自受納至給畢殆六七歲若此輩一任則老於掌庾矣因著式焉長編

記其姓名

梁莊肅公適景祐中監在京倉南郊赦錄宋全忠後莊肅上疏罷之曰全忠叛臣何以爲勸仁宗善之擢審刑院詳議官記其姓名禁中自是遂見權用石林燕語

酒坊使 副使

歷代沿革 酒坊使唐官周太祖平河中得酒工王忠善造法麴

酒因置法酒庫使宋初酒坊使加內字後去之紹興八年戶部尚書章誼請置贍軍酒庫于行在即命司農寺丞蓋諒主之賜浙東總制錢五萬緡爲釀本其後歲收息錢五十萬緡

元酒坊置使副

古今事實

兼檢討官

陳居仁字安行監贍軍酒庫所糴場隆興改元修高宗聖政兼檢討蓋異選焉周益公集

市買司 附使 副使

歷代沿革 神農始作市周地官有司市其屬有質人鄙人胥師

事文類聚新集 卷之二十二 市買司 附使 副使

賈師司暴司稽肆長蓋諸市官也漢改秦內史為京兆尹屬官有長安市長丞後漢河南尹屬官有雒陽市長丞魏晉因之東晉隸丹陽尹宋齊因之梁始隸太府陳因之後魏京邑市令從五品中北齊司州牧領東西市署令丞後周司市下大夫一人隋司農寺統京市令煬帝三年改隸太府寺唐因之京置東西南三市宋新贖務舊曰市買司太平興國四年改至道中廢咸平中復置以京朝及三班內侍三人監掌和布百物凡官禁官物所需以時供納雜贖務景德四年置掌受內外幣帛之物計直以待出貨或準折支用以內侍及三班二人監後亦差文武朝官紹興六年詔雜贖務雜賣場置提轄官一員元市買司置副使

群書要語

地官司市

周禮懋遷有無化居書日中為市致天下

之民聚天下之貨交易而退蓋取諸噓噓易司市掌市之治教政刑量度禁令以次序分地而經市以陳肆辨物而平市以政令禁物廢而均市以商賈食貨而行市周禮司市凡會同師役市司帥賈師而從治其市政掌其賣價之事同上委權寬之務白六帖周有泉府之官改不售與欲得漢書以二物平市以三賈均市六典太府總京師四市平準所以遷有無和利用同上漢武帝置平準官籠天下之鹽鐵於京師

古今事實

奉法不避

祭遵從征河北為軍市令舍中兒犯法遵格殺之上怒命收遵

主簿陳副諫曰明公常欲衆軍整齊今遵奉法不避是教令行也上乃貸之以爲刺奸將軍語諸將曰當遵祭遵吾舍中兒尚格殺之必不放諸卿也

以廉自將

潘峙字德鄺提轄雜買務雜賣場嚴禁防謹次第大官要人無敢干以私皇城邏卒挾持于紀公按致其罪不少貸人爲公危之然公以廉白自將其黨雖死之卒無以報也 朱文公集

論皆大計

趙粹中監行在雜買雜賣雖在荒庫論當世事皆天下大計人屬望以爲國器

不售一物

呂好問字舜從監在京雜賣場正獻公嘗問任事者以公親宰相孫闕其條約不以簿領累公公益自厲日夜治文書若有程督之者時以樸素先天下四方貢獻一歸之有司斤賣以佐經費吏或下其估以自私公獨漠然不見終秩未嘗售一物 東萊集

新編古今事文類聚新集卷之三十二終

新編古今事文類聚新集卷之三十三

南江 富大用 時可 編

金陵 唐富春 子和 刊

諸監部

少府監

歷代沿革 **少昊氏** 五雉為五十二正 **唐虞** 共工周官考工皆其職也 **秦** 有將作少府掌治宮室又別有少府掌山海池澤之稅以給共養 **漢** 因之將作少府掌修飾宗廟路寢宮室陵園木土之工而少府則掌山澤陂池之稅實為二官 **景帝** 中改將作少府為將作大匠 **世祖** 中興以謁者領其官 **章帝** 建初又置少府卿一人掌中服御諸物衣服寶貨珍膳之屬統尚方

畫家織室等令晉少府亦為列卿統材官校尉中左右二尚  
 方甄官等令宋少府領左右尚方御府等令丞齊梁陳皆有  
 北齊不置少府其二尚方司染諸治及細作甄官等署並隸  
 太府寺至隋煬帝大業中始分太府少府監唐武德九年分  
 將作為少府監龍翔二年改少府監為內府監咸亨復舊光  
 宅元年改為尚方監神龍復舊開元初分甲鏡弓帑別置軍  
 器監十二年省歸少府少府監掌有工伎巧之政令總中尚  
 左尚右尚織染掌治五署將作監掌土木工匠之政總左右  
 中校甄官等署有工等監少監為之貳宋少府置監少掌有  
 工伎巧之事將作亦置監少掌城壁宮室橋梁街道舟車凡  
 營造之事中興後將作少府未置建炎二年始併歸工部紹

興二年復置將作監而少府監併歸文思院元省將作監止  
 置少府監少監各一人丞二人掌邦國有工營造之事管轄  
 文思尚方圖書裁造文繡織染甄官七署

群書要語

垂汝共工

書舞典

太宰以九職任萬民五日百工飭

化八材

周禮

開閉將作經構宮室墻以禦風宇以蔽日寒暑攸

除鳥鼠攸去主有官殿民有宅居

楊雄將作大匠箴漢尊任隗

始為置賈晉寵王彬且聞賜爵六帖

別為收藏故曰少府技巧

工匠自元成間鮮能及之亦足以知吏稱其職民安其業也前

漢宣帝紀

詩句柱榱樞相支持

漢武帝柏梁詩將作大匠云

古今事實

事文類聚新集

卷之三十三

二



王觀守法

王觀徙少府大將軍曹爽使材官張達祈伐屋材及諸私用之物觀聞之比錄奪以沒官少府統領尚方御府內藏玩弄之寶爽等奢放多有干求憚觀守法乃徙為太僕

師度相地

姜師度為將作太匠師度喜渠漕所在徭後紛紜不能皆便然所就必為後世利是時太史令傅孝忠以知星顯時為語曰孝忠知仰天師度知相地

受一太錢

劉寵自會稽太守徵為將作太匠有老叟五六人持一白錢送寵寵為選一大錢受之

省億萬費

後漢應謹字仲華為將作太匠發掘眾奸皆極其刑豪猾之更屏迹視事五年省費億萬又應慎選太匠發掘奸伏除藻飾之無用劉有損之浮費所省息十億餘萬

勤苦賜秩

前漢馬延生為將作太匠成帝以勤苦賜秩二千石

營創賜侯

晉王彬為太匠以營創勤勞賜關內侯遷尚書左僕射

作玉真觀

唐尹思貞為將作太匠僕射實懷貞護作金仙玉真觀廣調工匠思貞數有損節懷貞讓之答曰公輔臣也不能言費王化而

土木是興又聽小人譏以廷辱士卒不可事公矣於拂衣去

修九成宮

姜行本為將作大匠太宗修九成宮行本總領之以勤濟稱其日賞賜甚厚

度用省費

漢英仲華為大匠度用省費六帖

崇飾雕麗

竇璡字之推為將作大匠修葺洛陽宮中鑿池起山崇飾雕麗虎費功力太宗令毀之

工無虛張

鄧豹字伯達遷大匠工無虛張之績徒無饑寒之色

躬親作工

後漢陳伯直為將作大匠桓帝崩管陵寢皆躬親作工為士卒先同上

築道為橋梁

閻立德從太宗征遼渾不可通築道為橋梁賜予良厚並唐書

上疏卷官人

楊阜字義山為將作大監明帝時治宮室發美女充後庭阜上疏欲省官人諸不見幸者乃召御府吏問後官人數吏守舊令對曰密禁不得宣露阜怒杖吏一百數之曰國家不與九卿為密乎帝聞愈敬憚魏志

古今文集

雜著

將作監廳壁記

孫祖壽

漢九卿將作大匠治鑿秦官亦少皞氏以五雉為五土正以利  
器用唐虞共工周官考工之職也歷代雖因革不一大率典司  
皆營繕土木之事隋開皇中始定以寺為監唐天寶中始定以  
長貳為監少丞自漢置主簿自晉置員之多寡亦不同焉本朝  
蓋因唐制主上再造不基承平官府寢亦如舊紹興二年冬十  
月復監置冢干年冬十月置主簿明年夏四月置長貳官適少  
府朱復文思軍器兩監分領其所繇自監設官二十寒暑因循  
苟且題名未立吏書粉版不足示後祖壽濫掌勾稽與丞信安  
徐宗愈為寮議立石未遂徐既補外臨安錢端英繼丞事始克

就因叙棟檠以揭其首云紹興二十三年秋七月庚戌右朝奉  
郎行將作監主簿廣陵孫祖壽記將作監題名紹興癸酉始錄  
未以易粉版慮其易蠹不足垂久既伐取琅未暇今也繇隆興  
而未上法慈訓躬履儉約宮室無所營繕器用不作車服從給  
職務益省矣於是長貳久闕勾稽之職亦復不除猷以丞兼治  
其事歲在戊子峴由太府丞以嫌自列乃獲踵伯父伯氏後陳  
懼無以稱明年二月龔右改舊刻歷考所載名氏凡三十生間  
由簿而上執國政者二人持從黨者九人今之有列于朝者陳  
公少常伯楊公次對朱公二外府張公奉內祠伯氏為尚書郎  
亦可謂盛矣顧峴之不肖亦得濫次其間有榮耀焉碑旣具乃  
以舊記冠其首而私著其事以告來者乾道五年三月八日右

事類彙編卷之三十三 五  
通直郎將作監丞蘇峴謹述

將作監題名記

京鏜

將作古官也在秦曰少府在漢曰太匠在北齊曰寺至隋唐始以監名國朝因之南渡以來在所管繕之事有府尹畿漕分其責由是職閒無事監少婁虞永簿互兼者久之比乎人才盛多樂於彙進監丞永簿無缺負凡臺省之次與都邑之有聲者悉寄徑于此今號為儲才之地舊有題名各以類分逮鏜承乏為監欲託諸不朽而石已無餘訪之他山會移都司不果今開封韋璞實繼鏜後明年得堅珉與永清原諸葛廷瑞部丹陽霍麓議變例為編年俾鏜記之切謂官無中外亦無劇易均於事主報國而已吾儕立乎人之朝要當洗濯故習磨礱壯志相期

姓名於簡冊之上庶於金石有光焉若曰吾於是乎紀年月志族氏以侈後觀則恐兩淋日炙無復摩挲徒為後人作砭石爾其念之哉淳熙十四年十月記

少監

歷代沿革 後周有少匠下大夫 隋置少監一人 唐二人 龍朔咸亨光宅神龍並隨監改復 宋元祐官品令少監從六品 建炎中并歸工部 紹興三年詔復置監少監一人

群書要語 少匠之職實司營繕 初察除賈誼來貳繕工 同上除侯益制 總尚方工巧之物置監總之 輟爾郎曹往服少事 制曲阜

古今事實

以幹力稱

事類彙編卷之三十三

六

唐姜確字行本貞觀中為將作少監護作九成宮陽官有巧思  
外諸死藥以幹力稱凡營繕所司必諮而後行帝游幸無不從  
魏證恐寢啓侈端勸帝斥之

以工巧進

楊務廉為少監以工巧進宰相表恕已恐啓游娛侈利之漸言  
於中宗曰務廉忠言嘉謨不聞而專營構以媚上不斥之無以  
昭德

監丞

歷代沿革漢置六人皆千石後漢置一人以明法魏晉因之宋  
齊梁陳皆一人梁班第四後魏二人從五品中隋煬帝分太  
府寺置少府監置丞二人唐加至六人龍翔感尊光宅神龍

並隋監改復開元二十二年減二人宋官品令監丞八品  
元置一人  
群書要語監丞掌判監事凡五署所修之物須金石齒革羽毛  
竹木而成者則上尚書省下所由司以供給焉唐六典

古今事實

營繕不奢

宋李大有字仲謙除將作監丞營繕不奢忤用事意奪一官上  
察其不阿詔勿奪西北用兵國力大屈朝廷置司講議以漁利  
又詔天下計稅輸免夫錢率以之輿論百姓騷然公極言不可  
胡澹庵集

薦對改官

翁挺字士特，有詩名。靖康中，何文績薦對，改除少府監丞。

文思署

**歷代沿革** **宋** 太平興國三年置，掌造金銀犀玉工巧之物。金線繪素，裝鈿之飾，以供輿輦冊寶法物及几器服之用。隸少府監。熙寧三年詔，文思院兩界監管立定。文臣一員，武臣一員，並朝廷選差。其內侍勾當官並罷。紹興三年詔，少府監併歸文思院。其上下界監管從工部辟差。工部言所轄文思院舊分上下界，監管二員，內一員文臣，係京朝官。上界造作金銀珠玉，下界造作銅鐵竹木雜料，欲依舊分為上下界。從之。隆興二年詔，併禮物局入文思院，置直令丞，隸少府監。

**群書要語** 工正 莊子 工尹 左傳 季春之月命工師令百工審

五庫之量，金鐵皮革，筋角齒羽，箭幹脂膠，丹漆，母或不良，百工咸理。監工日號，毋悖于時。 記月令 孟冬之月命工師帥功陳，祭器安度，程毋或作為，淫巧以蕩上心，必功至為上。 **注** 工師，工官之長也。效功錄見百工所作器物也。 同上

尚方署

**歷代沿革** **漢** 少府屬官，有尚方令丞。 **後漢** 一人，其後分為中左右。 **魏** 因之。 **晉** 過江，左唯置一人。 **宋** 高祖以相府部配臺，謂之左尚方，而本署謂之右尚方。令丞各一人。武帝改右尚方曰御府，又置中署，隸右尚方。 **齊** 置左右尚方令丞一人。 **梁** 置左中右三尚方令，其丞令並從九品。其後廢中尚方。 **陳** 因之。 **北齊** 三尚方隸太府，隋開皇有內左右三尚方，猶屬太府寺內。

尚方令二人正八品下掌諸織作煬帝分屬少府唐省方字有中左右三尚署令丞各一人開元已後別置中尚使以監之元署置令丞直長

群書要語唐中署掌供內營造雜作左署掌造車輦工扇弓箭弩戟器仗等右署掌造甲冑裝刀斧鉞等職禁

古今事實

將作秘劍

官者蔡倫為尚方令監作秘劍及諸器械莫不精工堅密為後世法後漢史

奪賜錦袍

未問累轉尚方監丞右奉宸內供奉常扈從遊宴則夫幸洛

南龍門令從官賦詩左史東方虬詩先成則天以錦袍賜之及之問詩成則天稱其詞愈高奪虬錦袍以賞之唐史

古今文集

雜著

尚方令箴

後漢崔寔

煌煌尚方古之玉府九責是中百珍是聚玉以享神珠以扞禦齒革三金寔是飾器械上下有章不虞用戒

織染署

歷代沿革周禮九職嬪婦化理絲枲考工記理絲麻而成之謂之婦功漢初少府屬官有東織西織成帝省東織更為西織為織室後周有司織下大夫隋煬帝置司織署令丞後并為

織染署周禮天官有染人冬官有設色之工五謂畫繪鐘筐  
慌也兩漢平準令主染色並隸司農晉平準令有監染吏六  
人初隸司農後屬少府宋順帝名準始改曰染署令齊復為  
平準令北齊太府寺有司染署長秋寺有染局後周有染  
工上士一人又有司色下大夫一人隋初有司染署隸太府  
煬帝分屬少府大業五年令司織司染為織染署令二人唐  
置一人元署置令永直長

群書要語掌供天子皇太子及群臣之冠冕辨其制度而供其  
職務凡織紵之作有十布絹縵紗綾羅錦綺芻褐組綬之作五  
組綬條繩縷紬線之作四紬線絃網練染之作六青絳黃白皂  
凡染大抵以草木而成有以花葉有以堊實有以根皮出其  
此

方土採以時月皆率其屬而修其職焉唐大典

甄官署

歷代沿革周禮埴埴之工二謂陶與甄也後漢將作太匠屬官  
有前後中甄官令永晉少府領之宋齊有東西陶官互署督  
令各一人後周有陶工中士一人掌為罇彝簠簋等器隋大  
府統甄官署令宋改屬將作元署置令永直長  
群書要語掌供琢石陶土之事唐大典

新編古今事文類聚新集卷之三十三終

事文類聚新集 卷之三十三終



新編古今事文類聚新集卷之三十四

新編古今事文類聚新集卷之三十四

南江 富大用 時可 編

金陵 唐富春 子和 刊

諸監部

軍器監

歷代沿革 後周武帝四年置軍器監 隋少府統鎗甲弓弩等局

唐武德初有武器監一人掌兵仗廐牧開元以前軍器皆出

右尚書三年分少府甲鎗弓弩置軍器監宋初軍器領於三

司曹按官無專職熙寧六年廢曹案乃案唐令置監擇待從

官總判元豐正名分按五設吏十有二總局五掌造軍器及

什物之事凡製器以法式授眾工其弓矢干戈甲冑諸戰守

之具。則因其能而分任之。量用給財。旬會其數。以考其程。課而輸於受藏之府。若知規創裁制工作之利者。聽其自言。以類參驗。令殿前馬步司覆按。可否以聞。建炎併歸工部。紹興復置長貳一員。元仍宋舊置監少監。

**少監** 見前

**監丞** 唐武德初。武監置丞二人。貞觀六年廢。武監置開元三年置軍器監。有丞。宋神宗時置丞二人。建炎二年省。紹興三年復置。元亦置丞於少監之下。

群書要語 欄錡分司武庫是藏兵之處。注 受兵日欄受甲日錡。張鷟集 森森羽衛鶴膝皎而含霜。凜凜旌麾犀渠光而奪日。注 鶴膝矛也。萬人強弩動黃間而連機。百辟神刀輝丹霞而吐霧。

注 黃間機弩牙也。西京賦。二屬之甲自合。堅牢尤右之弓固宜。良勁。唐張鷟集。至治之世。安不忘危。武庫甲兵之備。豈易忽也。

訓工程作置監統之。而丞為之貳。曲阜李士密制 又繕治戎械。訓工程作之任。置監典領禮秩甚隆。南豐擬制

**少監** 唐掌繕造弓弩之屬。少監為之貳。六典 武備精銳之器置監總之。兩郎曹往服少事。曲阜韓政制

**監丞** 唐軍器監丞掌判監事。凡材革出納之數。工徒聚寡之役。皆督課焉。六典 朕因時治安。申嚴武備。丞釐監事。罔非遴選。初察制。

**古今事實**

掌繕甲弩

事類彙編卷之二十一 日 二

唐武德十年置北都軍器監掌繕甲弩以時輸武庫總署二一日弩署二日甲坊

製造軍器

熙寧二年置軍器監以兩制二人領焉遺著作佐郎朱伯虎等齋精利軍器付逐州為式製造六年以呂會卿曾孝寬充判監制度皆著為式

邊備修舉

韋湊遷太原尹兼北都軍器監邊備修舉唐書

制度精緻

宋神宗留意於軍器設監命待呂董之前後講究制度無不精緻卒著為式合一百一十卷辯材一卷軍器七十四卷什物二

十一卷雜物四卷添修及造寺祭式二十卷塵史

澹然無求

宋陳魯公康伯謚文正為軍器監康伯與秦檜有舊及在朝路澹然無求檜常稱其靖重焉中興繫年錄

益知上卷

蕭正肅燧權司封進擬軍器監王晉以為允諸公益知上卷周益公集

古今文集

雜著

軍器監廳壁記

王述

將作名官古也軍器非古也周有六職百工居一焉漢以少府

列九卿其屬考土專主器械軍器非古也其職古也有唐設官  
 軍器與將作並列國朝具官無貴而其職掌隸于三司熙寧制  
 更然後軍器有監監有長有貳有丞簿率屬合治與唐不異建  
 官不殊中興以來承平官府併省多矣而此職具存豈以用武  
 之時所務為急雖時偃武所以除戎器者不可一日置耶由長  
 而下異時選用人才其間踐文昌登丞弼爛然可睹盛矣述也  
 不肖由尚書郎得長是官日虞非材玷辱前列顧瞻石刻雖有  
 名氏而未述官守建置之繇輒不少遜慨然書之併以姓名列  
 於諸公之左來者繼之頽然左右珠璧後先遲莫有樂焉淳熙  
 三年六月記

都水監

歷代沿革

**周**官川衡之職漢太常太司農少府內史主爵中尉  
 其屬官各有都水長丞至成帝以都水官多置左右使者各

一人劉向護左都水使者是至哀帝罷又有都舩丞輯濯丞  
 一**晉**置都水臺使者一人掌舟楫之事官品第四**隋**開皇三年

省都水入司農大業五年改使者為監又置少監後改監為  
 丞少監為少令煬帝置舟楫署丞二人**唐**因之改為都水署

隸將作龍朔改為司津監丞二人**宋**初欲修水官故專置都  
 水監以代三司河渠司事欲重其任以御史知雜判監事後

亦不常其官**元**置都水監掌川澤津梁舟楫河渠之事街道  
 司隸雋有監少監有丞掾街道司有管勾官

群書要語

古山林之官曰衡掌諸池苑故稱水衡應劭云主都

水及上林苑故曰水衡張晏云今掌公私舟船及運漕之事  
丞為之貳諸州運至京都者則經其往來理其隱失使監漕  
監之六典

古今事實

陳總巧思

陳總有巧思遷都水使者揚伶期洛陽記云千金堤總所起晉  
諸公贊

趙抃辭命

宋嘉祐八年以韓贄兼判都水監初置都水監以知雜御史判  
至是知雜趙抃辭以不知水事故命贄焉 卷之三十四終

新編古今事文類聚新集卷之三十五

南江 富大用 時可 編

金陵 唐富春 子和 刊

殿司部

殿前都點檢

歷代公章殿前司即漢南軍五代之制有待衛親兵及殿前兩  
司蓋侍衛親軍起於後唐石林燕語云侍衛親軍自梁起宣  
武軍乃以鎮兵因舊號置在京馬步軍都指揮使而自將之  
蓋於唐六軍諸衛之外則為私兵至後唐明宗遂改為侍衛  
親軍殿前始於周世宗顯德元年宋初以後周有殿前都點  
檢在都指揮上太祖由此承禪後不置焉侍衛親軍置都指

揮使雖都虞候亦在殿前都指揮使之上淳化元年傅潛自  
殿前副都指揮使遷侍衛親軍馬步軍都虞候在殿前都指  
揮使戴興之上咸平二年王超自殿前都指揮使遷侍衛親  
軍馬步軍都虞候自王超罷職無復任者而侍衛司馬軍步  
軍遂分為二并殿前號三衛而馬步二軍始居殿前司之下  
焉祖宗以來三師不置闕兩人若都帥闕難以從下超補  
麟係殿前都虞候合陟作步軍副都指揮使元祐七年樞密  
王岩叟言政和四年詔殿前都指揮使在節度之上殿前副  
都指揮使在正任承宣使之上殿前都虞候在正任防禦使  
之上中興以來主管殿前司一員其屬有幹辦公事主管禁  
衛各二員準備差遣準備差使點檢醫藥飲食各一員尋減

幹辦公事一員增書寫機宜文字一員元仍後周制復置殿  
前都點檢左右副都點檢判官知事等員掌宮中及行役宿  
衛門戶關防等事兼督親軍總領左右衛將軍符寶郎直  
將軍左右振肅宮籍監近侍器物尚廐尚輦鷹坊武庫武器  
頓舍諸局署官隸焉

群書要語建安十九年王師東征余典禁兵行宮省曹植東征  
賦錫以六纛總此八屯温公制嘉其扈從之勤同上除殿帥建  
節制內總七萃之師外分十連之任同上除郝質制內典嚴衛  
外秉節旌同上除郝質詔總領禁衛為王虎臣董率王師並  
同上進總疑嚴之務歷圖勁傑之資王岐公行李璋制屬嚴除  
之領帥伏帥鉞於殿除並同上置帥殿陛屬之董齊南豐擬

制就列大廷典綏王旅同上祇護殿嚴東坡苗授制總朕虎臣  
 典綏王旅環列增肅周廬不驚曲阜行燕庭制營衛之士皆天  
 下武臣之高選虞度軍中之事是可非其人哉荆公除宋守約  
 制宿衛左右而虞度侯視於軍中者其任甚寵南豐擬制掌殿  
 前諸班直及步騎諸指揮之名籍凡統制訓練番衛戍卒遷補  
 賞罰皆總其政令入則侍衛殿陛出則扈從乘輿大禮則提點  
 編排整肅禁衛固簿儀仗掌宿衛之事四朝制親衛諸軍虎旅  
 百萬蓋天下武鋒之萃也既建三帥以護周廬之師國史

古今事實

號為控鶴

周世宗自高平之戰觀其退縮慨然有懲革之意又以驍勇之

士多為外諸侯所占於是詔募天下豪傑不以草澤而俱送於  
 闕下躬親試閱選武藝迢絕又有身首者分署為殿前諸班因  
 有散員散指揮使內殿直散都頭鐵騎控鶴之號

今寓捕蟬

宋守約為殿帥自入夏日輪軍校十數輩捕蟬不使得聞聲有  
 鳴於前者皆重禁之人頗不堪神宗一日以問守約曰然上以  
 為過守約曰軍中以號令為先臣承平總兵殿陛無所信其號  
 令故寓以捕蟬耳蟬鳴固難禁而臣能使必去若陛下誤令守  
 一墮臣庶幾或可使人上以為然石林燕語

見將將軍

劉悅以衆數萬欲犯建康楊和王沂中至藕塘與悅遇遣勁騎

五千突入其軍賊兵亂沂中縱大軍乘之賊衆大敗視日適見  
鬚將軍銳不可及果揚殿前也即以數騎遁中興系年錄

為樞密使

張著字元弼真宗朝為殿中都虞候是時大興宮室之役以奉  
符瑞等臣丁謂欲殫國財力雖大臣不敢議著上言土木之役  
不足以承天意著後為樞密使

兼領二百

高武列主瓊為殿前都指揮使管軍負缺王兼領二百乃言曰  
先朝自殿前而下各置副都指揮使及都虞候常有十人職近  
事親易以第進又使士卒預識威名緩急臨戎上下附習此軍  
制之大要也上從之言行錄

禮繼二府

熙寧九年殿前都指揮使郝質言往軍里監與判監劉奉世會  
議畫聖聖上批殿前馬步二帥朝廷待遇禮繼二府事體至重寺  
監小官豈可呼名自今止令移文定議續會要

見宰執橫杖

二衙內中見宰執皆橫杖于文德殿後主廊階下唱喏宰相出  
立階楹之外遇從官於通衢皆避馬此禮久廢惟內中橫杖之  
禮至今不廢也

與學士分道

寶元康定余自殿所還京見王君貺初作舍人在坐見殿前馬  
步軍聯騎立門外呈榜稱不敢求見舍人遣人謝之而去慶曆



三牛余作舍人三衙軍相逢而歛馬駐立前呵者傳聲大尉立馬急遣人謝之比舍人馬過然後敢行後余官于外十年而遂入翰林與學士相逢分道而過更無歛避之禮蓋兩制漸輕三衙漸重歐公歸田錄

古今文集

雜著

論三衙軍制劄子

洪邁

臣仰惟陛下天資神武留意治軍將士感恩用命非復前比然臣區區管見獨以謂猶有可議者軍制不立名位不正是也請以祖宗之制大畧論之三衙軍職之大者凡八等除都指揮使或不常置外曰殿前副都指揮使馬軍副都指揮使步軍副都

指揮使曰殿前都虞候馬軍都虞候步軍都虞候曰捧日天武四廂都指揮使龍神衛四廂都指揮使秩秩有序若登稊然不可一級輒廢一或有闕即以功次遞遷降此而下則分營分廂各置都副指揮使如捧日左廂第一軍都指揮使天武右廂第一軍都指揮使之類邊境有事命將討捕則旋立總管鈐轄都監之名使各將其所部以出事已則復初二百五十之間累聖相承皆用此術以制軍詰禁自南渡以後觸事草創於是三帥之資淺者始有主管某司公事之稱而都虞候以下不復設置乃以天子宿衛虎士而與在外諸軍同其名號以統制統領為之長又使遙帶外路總管鈐轄之名考之舊制則非法稽之事體則非是以陛下聖明能知人善任使所謂爪牙之士豈無數十

人以待用者若法祖宗之制正三衛之名改諸軍為諸廂改統制以下為都虞候指揮使使宿衛之職頭有差等士卒之心明有所係異時拜將必無一軍皆驚之舉於以銷厭未萌循名責實則環衛將軍雖不置可也如蒙聖慈或以為然乙下樞密討論故實圖議其當恐或可以少贊陛下布昭聖武之意茲事體大願陛下深念之取進有旨付樞密院

殿前左右二衛將軍

歷代沿革左右衛將晉文王建國所置隋煬帝改為左右翼衛唐武德曰左右衛府上將軍各一人從二品大將軍各一人正三品將軍各二人從三品掌官宿禁衛凡五府及外府皆總制焉凡五府二衛及折衝府驍騎番上者受其名簿而配

以職皇帝御正殿則守諸門及內廂宿衛杖非上白亦將軍一人押杖將軍缺以中郎將代龍朔中省府事左右金吾衛掌官中京城巡警候道路水草之宜凡羽府之翊衛及外府飲飛番上者皆屬焉師田則執左右營之禁宿衛宿衛官將軍以下及千牛番上者皆配以職大功役則與御史循行同上龍朔二年改左右候衛曰左右金吾宋六軍諸衛有左右金吾衛上將軍秦曰中衛漢武改曰執金吾隋曰候衛所領軍事名飲飛以執禦非違漢官罕尹曰吾禦也常執金革以禦非常提騎二百人與馬導從充滿於路世祖歎曰仕宦當執金吾左右衛上將軍晉武帝分中衛將軍為左右衛各一大將軍一人銀章青綬隋改置左右衛為左右翊衛左右

驍騎將軍

漢武以李廣為驍騎將軍後省之光武改屯騎為

驍騎

文立晉臺以為宿衛官至隋煬帝改左右備身為左

右驍衛所領為豹騎唐置驍衛府龍朔去府字光宅改左右

武威衛神龍復舊

武武衛上將軍魏武為丞相有武衛營隋

以其名置左右武衛府有大將軍光宅改左右揚衛龍朔復

舊屯衛上將軍隋煬帝置左右屯衛唐龍朔改為戎衛光宅

改為左右豹韜衛領軍衛上將軍魏武為丞相始置中領軍

魏文又置領軍晉因之品第三金革紫綬宋齊領兵掌內禁

兵唐別置領軍衛大將軍龍朔改戎衛咸亨復舊監門衛大

將軍魏以來城門校尉之職也隋置左右監門府將軍煬

帝改府字為衛唐置大將軍龍朔改為監衛千牛衛上將軍

後魏有千牛衛備身本掌乘輿御力蓋取庖丁為惠文君解

數千牛而刃若發劔此刀可以備身因以名官隋左右府領

千牛備身唐改為左右千牛府龍朔改為奉神衛神龍改為

千牛衛諸衛大將軍諸衛將軍並為環衛官無定員皆命宗

室為之亦為武臣之贈典大將軍以下又為武臣責降散官

政和中改武臣官制而環衛如故蓋雖有四十八階別無所

領故也靖康元年用御史中丞陳過庭言請遵藝祖開寶初

罷諸節度使歸環衛故事於是節度使錢景臻等並為左右

金吾衛上諸軍又崇寧四年倣古修立三衛官有郎一員中

郎為之貳文武各一員博士一主簿一親衛府有郎有中郎

以後妃嬪御之家有服親及翰林學士并管庫正任觀察使

以上子孫充勳衛府有郎有中郎以勳臣之世賢德之後有服親大中大夫以上及正任團練使遙郡觀察使以上子孫充翊衛府有郎有中郎以卿監正任刺史遙郡團練使以上並以親兄弟子孫試充三衛郎治其府之事率屬且且于殿陛長在左立起君郎之前貳分左右文武西立都承旨之後親衛立于殿上勳衛立于殿前兩階衛士之前中興久不除授孝宗隆興詔學士院討論環衛官制度欲參酌祖宗時及唐太宗制度詔曰朕惟祖宗選用將帥以崇武節外建方鎮內列環尹甲式備具近來環衛久不除授非所以儲材而均任也可依舊制應以才畧聞堪在將帥及久勤軍事暫歸休佚之人並為環衛官更不換授正令兼領如節

度使則領左右金吾衛上將軍承宣使則領左右衛上將軍在內則兼帶在外則不帶以十員為額朝參侍殿並依御帶體例宗室不在此制仍不差戚里及非戰功人除改差主兵官合不領環衛如皇城司帶衛器械之類仍許兼領置殿前左右二衛將軍其下有符寶郎四人宿直將軍左右振肅等員

**群書要語**虎賁氏掌先後主而趨以卒伍周禮祈父予王之爪士詩潘崇為大師且掌環列之尹左傳楚君戎分為二廣廣有一卒右廣初駕數及日中左則受之內官序當其夜以待不虞同上烈烈楊侯實統禁戎文選揚荆門誅交戟之下周盧肅然自集李演制王者法鈞陳設環列非勳勤之將信近之臣則何

以久張瓜牙轉置肘腋者也 移領左廣 八屯之警巡七萃  
 之勤墮爾為其正盡察得之 並同上 前以忠勞選登戎衛能訓  
 勇力之士以備時使申誰何之人以備徵巡 李君在制軍有羽  
 林用法星象統之瓜士以拱辰居 同上 俾領上軍仍遷右廣 王  
 士則制統良家之騎士訓期門之林官 同上 周設七萃漢列八  
 屯皆所以拱衛王宮肅嚴徵道 鄭何制 國家設十二衛猶漢之  
 有南北軍而左右羽林尤稱親重自諸衛而移領者謂之兼遷  
 掌勺陳而護建章備警巡而嚴武衛 王元輔制 環太微諸星有  
 上將次將之位所以拱衛宸極誰何不若天子置上將軍以禦  
 侮寧是道也 元集張奉國制 天子六軍必有林官飲飛超棄挽  
 強之士在焉董之以威待之以信分八舍之數寡均二廣之選

勞不其不揚不抑不挫皆將軍之力也是以孝大亮上直禁中  
 而文皇甘寢則心腹瓜牙之任斯不細矣 于季友制 熊羆宣力  
 輦轂無塵內訓却非之士外察何留之禁 徐集 自參戎秩又衛  
 宸階 常相除右金吾制 曉傳銀茶之符夜警金吾之漏 同上 北  
 落親兵夾講官省 杜牧 梁榮幹制 典兵於禁門之內立侍於殿  
 陛之中 張方直制 官崇環衛職實司武 王劍制 官我正衛 吳正  
 制 禁放總蘭錡之兵 李文饒集 鈞陳肅肅彰北極之威靈錡杖  
 森森表南端之壯麗 尤旂楊旆 日熾星流 五輅鳴鑾 龍輶鳳轄  
 張鷟傳 武夫拔燕之服羽騎雲屯 期門珥鶉之冠旌頭宿設 同  
 上 委禁垣之提警 胡文恭行 王從善制 環設衛官拱戶宸極 余  
 撰制 列衛官邸 曲阜集 千牛帶刀宿衛 土室環列之尹執金為

實同上仕官至執金吾古人所榮重也白集

詩句一生唯羨執金吾王翰詩

古今事實

入直殿中

羊祜遷中領軍悉統宿衛入直殿中執兵之要事兼內外晉中與書

分司丹禁

梁有左右中郎將以分司丹禁侍衛左右隋書

典飛騎

姜確字行本大宗選趨才衣五色袍乘六閑馬直屯營宿仗內每出幸即以從拜行本左屯衛將軍分典飛騎

佩橫力

唐王及善除右千牛衛將軍帝日以爾忠謹故擢三品要職爾佩大橫力在朕側亦知此官貴乎

詔乘馬

唐高祖以李粲為右監門衛大將軍曰卿忠勇之譽聞於隋今年齒雖邁筋力未衰監門之職非公莫可粲以年老辭高祖曰藉公處分爾豈欲煩公筋力耶於是詔粲自非殿庭皆乘蜀馬論者榮之

延入閣

唐宇文士及擢右衛大將軍太宗延入閣語或至夜分休沐馳名

察城中事

唐德宗時金吾大將軍李翰好伺察城中細事舊史

管天下兵

藏盾遷中領軍管天下兵要監局事多者為人敏贍有風力長於撥繁職事甚理天監中吳平後蕭景先居此職甚者聲稱至是復繼之梁書

太子押衙

唐邢濟為金吾將軍曰我金吾天子押衙以次生從安自脫

駙馬都尉

唐尚史那社爾率眾內屬十年入朝授左驍衛大將軍尚衛陽長公主為駙馬都尉典衛屯兵

槐下聽事

隋高穎拜左衛大將軍每坐朝堂北槐下聽事其樹不依行列

有司請伐之上特不令剪去以示後人見重如此

俸餘納官

唐田仁會麟德中轉右金吾將軍所得給外有餘輒以納官特人頗譏其要名而仁會強力疾惡晝夜巡警自京城至衢路越法無不立發每日延引百餘人躬自閱罰畧無寬者京城貴賤咸憚之

詐作領護

羊琇少與武帝相親謂帝若富貴見用作領護各十年帝戲而許之及即位擢琇為左衛將軍

常領宿衛

漢耿秉為人威重有謀畧拜執金吾每行幸秉常領宿衛

金帶投地

隋皇甫無逸轉右武衛將軍王世充篡棄母妻斬關自歸騎追及無逸解金帶投之地

駱導盈卷

唐張嘉祐嘉正弟也有幹畧方嘉正為相時任左金吾衛將軍昆弟每上朝軒蓋駱導盈間巷時號所居坊曰鳴珂里

摧搥奸伏

唐宗室晦遷金吾將軍摧搥奸伏無留隱

不畏強禦

陶回拜領軍將軍回性方範不畏強禦丹陽尹桓景頗以稭事司徒王導其悅之回常慷慨論景非正人不宜狎會景笑守南

斗曰曰公以明德輔聖王當親正遠邪而與桓景造膝笑惑何由退舍導深愧之晉中興書

蒞官動正

屈突通為右武衛將軍蒞官動正有犯法者雖親無縱其弟益長安令亦以方嚴顯時人語曰寧食三斗葱不逢屈突通寧食三斗艾不逢屈突益

論奏風采

李直畧名為羽林衛將軍對德宗延英殿論奏衍衍有大臣風采効從妖巫

唐田仁會為右金吾巫傳鬼道惑衆自言能活死人市里甚神仁會効徙于邊



捕係惡少

唐杜中立歷左右金吾衛大將軍京師惡少優戲道中具驕唱呵衛中立部捕係立等處

警衛禁街

貞元十七年金吾衛大將軍李翰奏警衛禁街必資澄肅續通典

明閑宿衛

唐趙道與貞觀初歷遷武侯中郎將明閑宿衛號為宿職太平御覽

累從征討

唐柴紹高祖即位拜左翊衛大將軍累從征討歷國公

多識舊儀

唐宗室若水為左金吾衛大將軍兼通事舍人多識舊儀每旦

勞損輿進止有司觀者

歸難不屈

唐劉洪基京師平功第一授右驍大將軍討薛舉戰淺水原不總管軍皆沒惟洪基一軍戮力矢盡為賊拘帝以臨難不屈優護其家本傳

謀亂不從

唐楊思訓從金井州右武衛大將軍慕容寶節夜要思訓與謀亂思訓不從寶節懼毒酒以進思訓外妻訴之流寶節領表斬虜至彈琵琶

唐柴紹轉右驍衛大將軍吐谷渾党項寇邊虜據高射紹軍紹安坐遣人彈胡琵琶

使至不開門

唐段志玄為左驍衛大將軍。文德皇后之葬，勸兵衛童武門。太宗夜遣使至，志玄拒曰：「軍門不夜開。」使者示詔，志玄曰：「夜不能辯，比旦帝歎曰：『真將軍。』」

清儉常布衣

吳隱之為中領軍，清儉。每月所得祿，裁留身糧，餘悉贍親族。常布衣不完，妻子不畜寸祿。晉書

清謹無纖隙

阿史那忠蘇尼太子也。資清謹，時為右驍衛大將軍，宿衛四十八年，無纖隙。時人比之金日磾，得卿勝數萬。

唐李嗣業為左金吾將軍，祿山反。上在靈武，詔嗣業赴行在。謂見上曰：「今日得卿勝數萬眾，事之濟否，實在于卿也。」

用卿重此官

唐韋湊遷右衛大將軍。元宗謂曰：「故事，諸衛大將軍與尚書更為之，近時職轉輕，故用卿以重此官，其毋辭。」

躍馬萬眾中

唐秦叔寶每敵有驍將，銳士出入，夸眾者，秦王輒命叔寶往取之。躍馬挺槍刺於萬眾中，莫不知志。及平隱巢，功拜左武衛大將軍。

領兵戍咸陽

唐張獻甫累遷至右金吾衛將軍。李懷光叛，吐蕃盜邊，獻甫領

禁在戎威陽累年兵農悅安

典羽林三十年

張延節為左衛大將軍性謹畏典羽林三十年未嘗有過職林

授宿衛三十年

唐薛平授右衛將軍三十年

命群臣舉善射

唐泉獻誠天授中以右衛大將軍兼羽林衛武后嘗出金幣命宰相南北衛群臣舉善射五輩中者以賜內史張光輔舉獻誠獻誠讓玉鈴大將軍薛吐摩支摩支固辭獻誠曰陛下擇善射者然皆非草人恐唐官以射為耻不如罷之

仕官當作金吾

漢世祖微時歎曰仕官當作執金吾

討論環衛制度

隆興間孝宗討論唐太宗環衛制度湯思退曰環衛官唐時有職事宋朝無職事祖宗舊制自方鎮罷皆歸環衛故也孝宗會要

古今文集

雜著

原十六衛

唐杜牧

國家治踵隋制開十六衛將軍總三十員屬管總二百二十八員署守分部夾峙禁省厥初歷令未始替削然自今觀之設官言無謂者其十六衛乎本原事迹其實天下之大命也始自貞觀中既武遂文內以十六衛畜養武臣外開折衝果毅府五百

七十四以儲兵伍或有不幸方二三千里為寇土數十百萬人為寇兵蠻夷戎狄踐踏四作此時戎臣當儲兵居外至如天下平一暴物消削單車一符將命四走莫不信順此時戎臣當提兵居內也官為將軍綬有朱紫童有金銀千百騎趨奉朝謁第觀車馬歌兒舞女念功賞勞不於曲賜所部之兵散會諸府上府不越二千二百人五百七十四府凡有四十萬人二時耕稼接種耒耨一時治武騎劍兵失禪衛以課父兄相言不得業他籍將府在散田畝力解勢破人人自愛雖有蚩尤為師雅亦不可使為亂耳及其當居外也緣部之兵被擄乃來受命於朝不見妻子斧鉞在前爵賞在後以看爭首以力搏力飄暴交梓豈暇異憂雖有蚩尤為師雅亦無能為叛也自貞觀至于開元末

百二十五年間戎臣兵伍未始逆篡此聖人所能柄統輕重制障表裏聖筭神術也至于開元末惠儒奏章曰天下文勝矣請罷府兵詔曰可武夫奏章曰天下力強矣請傳四夷詔曰可於是府兵內剷邊兵外作戎臣兵伍湍奔矢往內無一人矣起遼走蜀繚結萬里事五強寇奚契丹吐蕃雲南大食國十餘年中亡百萬人尾大中乾成偏重而天下掀然根萌燼然七聖旰食求欲除之且不能也由此觀之戎臣兵伍豈可一日使出落鈴鍵哉我為國者不能無也居外則叛居內則篡使內不叛外不篡兵不離伍無自焚之患將保首領無烹狗之論古今已還法術最長其置府立衛乎近代以來於其將也弊復為甚也人謂曰廷詔命將美名出視之率市兒輩益多賂金玉負荷幽陰折券

交貨所能也。絕不識父兄禮義之教，復無慷慨感嘆之氣。百城千里一朝得之，其強傑悽勃者，則撓削法制，不使縛已，斬族忠良，不使違己。力壹勢便，罔不為寇。其陰泥巧狡者，亦能家筭口。欽委於邪，僥由卿市，公去郡得都，四履所治，相為別館。或一夫不幸而壽，則戛割生人，畧匝天下。是以天下每每兵亂，涌溢齊人，乾耗鄉黨風俗，淫猥衰薄，教化恩澤，雍抑不下。及來災沴，被及牛馬嗟乎！自愚而知之人，其盡知之乎？且武者任誅，如天時有秋，文者任治，如天時有春。是天下不能倒春秋，是豪傑不能總文武。是此輩受鉞誅暴乎？曰：於是乎在。某人行教乎？曰：於是乎在。欲禍蠢不作，者未之有也。伏惟文皇帝十六衛之旨，誰復而原其實，天下之大命也。作原十六衛。

符寶郎

歷代沿革 前漢有符節令，永隸少府。有尚符璽郎。後漢令一人六百石，為符節臺。漢王符節事，九遺使掌授節。尚符璽郎中四人在中，主璽及虎符、竹符之半。唐令史二百石，掌書。唐武后改符璽郎為符寶郎，元置符寶郎四人，隸殿前司。

古今事實

掌天子璽

符節令掌天子璽符及節，麾幢有銅虎，行使符中，各一人，留其半付受為信。環濟要畧。

次中丞位

符節令兩梁冠，千古位次。御史中丞，領上符璽。應劭漢官考。

不肯受璽

漢霍光初輔少主政自出殿中嘗有怪群臣相驚光召尚符璽郎郎不肯授光欲奪之郎按劍曰臣頭可得璽不可得也光甚諷之明日詔增郎秩二等本傳

**古今文集**

雜著

符節令箴

崔瑗

在尊曰璽在卑曰印防不可不審制不可無常如姬稱印晉鄙受殃符臣司節敢告不剛

宮籍監

**歷代沿革**

漢衛尉主管闕之內衛士旅垣下為爐各有員部九

居宮中者皆施籍於門按其姓名若鑿空儼人當入者檢其印信然後內之人有籍者皆復有用木長二寸以所居宮兩字為鐵印分符常出入者按籍畢復齒符乃引內之也當出入者給執御者名官傳呼前後以相通夜有行者輒前曰誰所以重障宿衛也元置宮籍監有監副監監丞之職

尚廐局

**歷代沿革**

漢太僕屬官有大廐未央家馬三令各五丞一尉主

乘輿及官中諸馬其後置左駿廐令別主乘輿御馬魏有驛驛廐令晉太僕統乘黃驃騮龍馬等廐令過汴之後或省或置哀帝省驃騮為門下之職宋齊因之梁太僕統龍廐內分廐陳因之後周有左右廐各上士十人比齊太僕寺統驃騮

事文類聚新集

左右龍等署隋太僕寺統龍廐署唐改為典廐署令領執駉  
駕士等宋初有天廐雍熙中以天廐改為左右騏驎院掌司  
國馬景德中始增置群牧使副都監判官以領廐牧之政神  
宗廢群牧借乘典法物則歸車輅院養國馬則歸左右騏驎  
院天駟監而總於太僕寺馬元置尚廐局有使副使掌廐都  
副轄等員隸殿前司

群書要語牧人掌牧地皆有隸禁而頒之孟春焚牧中春通淫  
掌其政令校人掌王馬之政周禮駉牝三千詩駟駒牡馬牧于  
駟野魯頌新作延廐書不時也左傳廐校子退朝曰傷人乎不  
問馬語天馬徠從西極漢禮樂志天駟星王國馬晉天文志飛  
龍掌天廐之閑李文饒集

古今事實

萬歲為使

唐張萬歲為群牧使

毛仲領監

王毛仲領群牧監並唐書

古今文集

雜著

監牧碑頌

天子十二閑馬六種閑為一廐馬二百一十六應乾之英也六  
廐成秣五良一駕是以謂小備校有左右閑成十十一合月之  
良也駕馬三良馬之數九二千四百五十六是之謂大備故春

事類彙編卷之三十六  
祭馬祖夏祭先牧秋祭馬社冬祭馬步敬其本也日初而所  
中而入於原燎牧除葭薈廐時其事也索象羨薦牙涼棧溫翹  
首面陸交頤相劇豈其性也或駒教駢講馭載僕刻之剔之羈  
之蒸之就其才也乾道為賞坤元利牝駒從澤水駿發中廬屈  
產貴其能鳴雁門多其羨春豈止宗生異地族絕河西而已哉

尚輦局

歷代沿革 周禮小司徒中大夫二人掌六畜車輦又巾車下太  
夫二人掌王后之五輅輦車組輓有斐羽蓋故古謂人牽為  
輦宋萬以乘直輦其母秦始皇乃去其輪而輿之漢代遂為  
人君之乘後漢有乘輿六輦魏晉小出而乘之及過江而亡  
太元中謝安密意而作及破苻堅得之形制無差大小如一

時人嗟其默識宋武執墓容超獲金鉉輦古之輦輿大率以  
六尺為度齊武帝造大小二輦雕飾甚工下攔較軛悉金花  
銀獸梁大輦中方八尺左右開四望金鸞樓軛隋有六輦太  
禮皆乘之秦漢魏晉並大僕屬官車府令掌之東晉自太僕  
遂隸尚書駕部宋齊梁陳車府永乘黃令永掌之後魏北齊  
則乘黃車府令兼掌之後周則司車輅主之隋又乘黃車府  
令兼掌之煬帝置殿內省尚輦局奉御二人正五品唐因之  
為漢五品上龍朔二年改奉饗太夫咸亨元年復舊例宗御  
輦院掌乘輿步輦供奉及官闈車乘之事神宗正為車輅院  
廢群牧司供乘輿法物則歸車輅院有監官二員建炎三年  
罷紹興十二年詔車輅院吏依舊例減半差元尚輦局置使



副使典輿都副轄收支都監等員

**群書要語**

巾車氏掌公車之政令辨其用與其旂物而等叙之

以治其出入之五路

周禮

典路掌王及后之五路注同上尚輦

奉御掌輿輦繖扇之事分其次叙而辨其名數直長為之貳凡

大朝會則陳於庭大祭祀則陳於廟唐六典云輦有七一日天

鳳二日大芳三日仙遊四日小輦五日芳島六日大玉七日小

玉同上

**古今事實**

鈞鈞車之制

夏后氏因纒車而制鈞車俾車正奚仲建旂旒尊卑上下各有等級通典

司輅之職

周巾車氏掌王五輅有玉象革木之制至秦惟乘金振車漢承秦制以為乘輿晉武帝始備五輅令掌為太子法車後周置司輅之職皇帝之輅十有二等同前

武庫署

**歷代沿革**周武王伐紂散牛放馬倒載干戈韜以虎皮而藏諸

武庫武庫之設由來尚矣漢執金五日屬官有武庫令一人丞

二人晉隋亦有武庫令皆衛尉統之唐武庫令丞各二人有

府史監掌典事掌固等員令之職掌藏邦國之兵仗器械辨其名數以備國用丞為之貳元置武庫署有令丞

**古今事實**

職閑無事

杜欽為大將軍武庫令職閑無事欽所好也前漢

終當大到

樂廣為武庫令黃慶餘陶侃謂此人終當大到晉書

武器署

歷代沿革唐武器署令丞各一人府二人有事監事典事掌固

等員令之職掌在外戒器辯其名物會其出入丞為之貳凡

大祭祀大朝會及巡幸則納於武庫供其函簿元武器署有

令丞亦唐制也

頓舍官

歷代沿革周禮有掌舍掌行所解止之處帷幕幄櫛之事漢

府屬官有守官令丞掌官殿陳設魏殿中監掌帳設監讓之

事晉宋已下其職並在殿中監隋煬帝置殿內監改殿內局

為尚舍局置奉御二人正五品唐因之龍朔二年改奉宸太

夫咸亨復舊元改為頓舍置諸直長

新編古今事文類聚新集卷之三十五終

事文類聚新集

卷之三十五

二二八

新編古今事文類聚新集卷之三十六

南江 富大用 時可 編

金陵 唐富春 子和 刊

諸庫局部

武衛庫

歷代沿革 周虎賁氏舍則守王閑王在國則守王宮漢謂之北  
 軍置羽林郎材官取三輔良家之子自給鞍馬唐謂之北衛  
 左右羽林軍大將軍各一人正三品將軍各三人從三品掌  
 統北衛禁兵督攝左右廂飛騎儀仗大朝會則周衛階陛巡  
 幸則夾馳道為內仗凡飛騎南上者配其職有勅上南衛者  
 大將軍承墨勅白多於金吾引駕仗官與監門秦覆降墨勅

然後乃得入宋因之舊號武德司太平興國詔改皇城司政和官制改皇城使為武功大夫而其職任則選內外通鎮焉皇城司以入內兩都知主內判內定事入內都知無不與知者惟宿直諸班禁衛畧無統攝而皇城司親從官數千人乃命武臣二員同兩都知主之而殿前後不預此祖宗處軍政深意也官制舊典紹興中詔行宮禁衛所改為行在皇城司係專掌禁庭出入依祖宗法不隸臺察先是殿中侍御常司乞皇城司隸臺察已從其請至是遂不行元置武衛庫有都指揮使副都指揮使掌防衛都城及警捕之事

群書要語

嚴衛禁兵 白六帖 國家設十二衛猶漢之南北軍而

左右羽林尤稱親重 白集王元輔制

古今事實

檢校閉啓

梁乾化六年詔曰端闈止門也宜以時開敞用達陽氣委皇城使檢校閉啓車駕出則闔扉五代史

掌諸門開闔

唐城門郎掌京城皇城官殿諸門開闔之節奉其管鑰而出納之開則先外而後內闔則先內而後外所以重中禁尊皇居也候其晨昏擊鼓之節而啓閉之續通典

文臣少卿

宋朝以皇城使比文臣少卿選人才優長者一員供職謂主管皇城司也 官制舊典

御帶主管

政和改制之後皇城司依舊以橫行或御帶二員主管同上

古今文集

律詩

寄羽林盧大夫

釋無可

將軍直禁闥繡服耀金羈羽衛九夫靜英豪四塞知望雲回翔  
鳳陽水射窮門風首氏敵劍藝霍家推

法物庫

歷代沿革

後唐有修裝法物使宋多以內臣與本司修飾焉其  
職掌用禮院御史臺兵部吏人如故儀衛衣物鹵簿皆掌元  
置法物庫有使有副有員長

交鈔庫

歷代沿革

宋有交引庫隸太府寺掌給印出納交引錢之書元  
置交鈔庫有交鈔庫使副使鈔引庫使副使

古今文集

雜著

交引庫廳壁記

吳必大

交引庫外府屬之一交引所由造也若稽國朝惟四川用交子  
法引鈔竿請則昉制於汴都六飛商蹕詔造用交子如四川居  
無幾何改爲關再改爲會自會子法立領以他局今庫惟引鈔  
出焉託尺紙之書行千金之積良賈牟大利得此恃亡恐不得  
則於法爲私有夫國以義爲利推天下之貨而制其柄而使服

其政冷非利而爲之所以理財正辭禁民爲非是之取爾虛無  
他貯儲惟官紙若朱常曰文書行梓以墨銅箱以紅櫛此者題  
號者胥史工徒魚貫坐各力乃事旣成特白永簿白是當書旣  
書乃牧數而授之摧貨務商族趨焉廳廡粗備踵故以火禁莞  
庫氏弗得處其間舍隸人保逆旅旬用三日入聽治啓閉出內  
作鉗尾字退則皆鴈鷺境囊欺素蠹檢扼無所於用余嘗居是  
官持不可請公府言狀改前之爲蓋自寶祐癸丑冬始也廳舊  
無壁記太博四明王君似道而上無稽焉當王君時撤老屋新  
之簾巨石于庭曰是將刻記會秩滿去弗果後六年余來屋此  
入於壞亟起圖之役甫休余亦去時甲寅七月也又後八年景  
定壬戌秋古杭金君應桂繼請于朝得楮緡萬是葺是管增多

于前功且刻石以成玉君志蓋二十年間先後三人而斯石始  
克直顧有所待耶世之以便文處癡事以傳舍視公字作者之  
攸始末者之弗圖余甚爲此懼有能不苟而可心誠求之雖治  
天下亦如此屋若石矣是可書余故泚筆承金君之命且以誌  
後之君子云

左右廂

歷代沿革 宋大中祥符元年置京新城外八廂真宗以都門之  
外居民頗多舊例惟赤縣尉主其事至是特置廂吏命京府  
統之天禧五年增置九廂熙寧二年五月詔以京朝官魯歷  
通判知縣者四人分管京城四廂凡民有關訟事輕者得以  
決遣九月詔許留後使臣兩員分左右廂管勾元祐元年知

開封謝景溫請於新城內外左右置三廂通為四廂紹興中  
臨安府先依開封例於城外南北置主管公事近又於城  
內左右廂添置官兩員分減在城詞訟其後臣寮言將在城  
左右廂廢置其廂官兩員移往城南北廂元置左右廂有廂  
官受給官祇應司令丞直長

古今事實

遂除御史

宋蔡確字持正韓維知開封府奏為管勾左右公事後知府劉  
庠責確廷奏確謂潘鎮辟除掾屬乃有此今輦轂下比有事主  
雖故事不可用庠不能屈神宗聞而嘉之後因臺官有闕執政  
奏乞除官神宗曰只用不肯增堦見劉庠者遂除監察御史郡

伯溫撰確傳

惠民司

歷代沿革 周醫師救萬民之疾苦宋神宗設太醫局熟藥所於  
京師崇寧中增置十局揭以和劑惠民之名修製給賣各有  
條司又設收買藥材所以革偽濫之弊紹興六年置藥局以  
行在大醫局熟藥東西南北四所為名內將藥局一所以和  
劑局為名從戶部王俱之請也詔和劑局置監管文武各一  
員差京朝官與大使臣十八年朝旨熟藥所依在京改作太  
平惠民局元置惠民司有令有直長

古今事實

救民疾苦

宋政和四年尚書省言修合賣藥所本周官醫師救民之意今只以都城四壁并商稅院東出賣熟藥非創置惠民之意矧今局事不隸太醫續會要

能大其官

范成大監行在太平惠民和劑局堂吏丐藥不獲以朝旨下所隸太府寺蒐細故杖吏逞憾公白戶部侍郎汪應辰杖太府吏已能大其官矣壽皇類編高宗聖政以公為檢討官兼敕令所近世局務無修書者人以公為宜周益公集

四方館

歷代沿革唐四方館使以通事舍人判隸中書省五代晉始以卿監專判館宋四方館在朝堂門外使闕則客省引進閣門

使副兼掌淳化四年改置使名掌通事分番供奉宣贊之名籍文武官正衛見謝國恩賜香諸道月且正至章表郊祀朝會番官貢舉人進奉使京官致仕官道釋父老陪位之事元祐令四方館使正六品紹興三年詔客省四方館使正六品四年詔依舊制隸中書省元置四方館有使副

古今事實

熟於館事

晉天福二年檢校兵部尚書陳瓚守衛尉卿兼通事舍人判館事以其熟於宣導故雖位三品猶總管事續通典

謂之館主

舊儀於通事舍人中以宿長一人總知館事謂之館主凡四方



貢納及章表皆受而進之類要

謂之館老

宋咸平四年故事閣開長一人判四方館謂之館老又續通典以爲唐故事長編

新編古今事文類聚新集卷之三十一

早稲田大学図書館

011488600020